

**Uunga siunnersuut: Eqquniaasitsinermi akileraarutit pillugit Inatsisartut inatsisaata
allanngortinneqarneranik Inatsisartut inatsisaat**
(Aningaasaqarnermut Naalakkersuisoq)

Saqqummiussissut

Siullermeerneqarnera

Eqquniaasitsinermi akileraarutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuut Naalakkersuisut sinnerlugit matumuuna saqqummiuppara, tassa aningaasarsiat eqquniaasitsinermi akileraarutit pillugit inatsimmi pineqartut akileraarutaasa qaffannerisigut landskarsip 2012-imut aningaasanut inatsisissamut atatillugu isertitassarnerulernissaa siunertaralugu.

Eqquniaasitsinermi eqqukkat akileraarutaasa procentiata 30 pct.-inut allanngortinneqarnissaa siunnersuutigineqarpoq.

Taamaaliornikkut Kalaallit Nunaanni eqquniaasitsinerni eqqukkat 200 kr.-init amerlanerupata amerlanerussutaasut akileraarutaat 15 pct.-iniit 30 pct.-inut qaffanneqassaaq.

Naalakkersuisut naatsorsuutigaat eqquniaasitsinermi eqqukkat akileraarutaasa procentiata qaffanneqarneratigut isertitassat ukiumut 5 aamma 8 mio. kr.-nit akornanni amerleriaateqassasut.

Taama oqaaseqarlunga siunnersuut Naalakkersuisut sinnerlugit Inatsisartunut suliassanngortippara, aammalu Aningaasaqarnermut Akileraartarnermullu ataatsimiititaliamit suliarineqareerpat aappassaaniigassanngortillugu.